

Morning Dogri (NSD) National News Bulletin 20-12-2024

आकाशवाणी

- बीजेपी सांसदों की शकैत मगरा दिल्ली पुलिस नै कांग्रेस नेता राहुल गांधी हुंदे खलाफ एफआईआर दर्ज कीती ऐ।
- लोकसभा अध्यक्ष ओम बिरला होरें संसद दे कुसा बी गेट उप्पर विरोध प्रदर्शन उप्पर रोक लाई ऐ।
- जनवरी 2025 च आयोजन होने आले 8में “ परीक्षा पे चर्चा” लेई पंजीकरण शुरू।
- वित्त मंत्री निर्मल सीतारमण होर बक्ख-बक्ख राज्यें दे वित्त मंत्रिण कन्नै बजट शा पैहले आला सलाह सूत्र करगंन।
- नमीं दिल्ली दा जवाहर लाल नेहरू स्टेडियम 2.25 आली हवश्व पैरा एथलेटिक्स प्रतियोगिता दी मेजबानी करोग।
- भारत नै वैस्टइंडीज गी 60एं रंजें कन्नै हराइयै महिला टी-20 श्रृंखला 2-1 कन्नै जित्ती लैती।

<><><><><><>

Rahul Gandhi

दिल्ली पुलिस नै बीजेपी की शकैत उप्पर कांग्रेस नेता राहुल गांधी हुंदे खलाफ एफआईआर दर्ज कीती ऐ। दिल्ली पुलिस नै इक ब्यान च आखेआ ऐ जे उनें छड़ी भारतीय न्याह संहितादी धारा 109 हटाई ऐ, बाकी सारियां धारां रुए न। जेड़ियां शकैतां च लाइयां गेदियां न। बीजेपी सांसद अनुराग सिंह ठाकुर होरें सांसद बांसुरी स्वराज ते हेमांग जोशी, हुंदे कन्नै कल संसद भवन थाने च लोकसभा च विपक्ष दे नेता राहुल गांधी हुंदे खलाफ मामला दर्ज कराया। उंदे उप्पर संसद भवन परिसर च बीजेपी सांसदों की दक्का देइयै सट्ट लाने दे आरोप च धारां लाइयां गेइयां न।

<><><><><><>

LS Protest

लोकसभा अध्यक्ष ओम बिरला होरें सख्त निर्देश जारी कीता ऐ जे कोई बी राजनीतिक सांसद जां सांसदें दा समूह, संसद भवन दे कुसा बी गेट उप्पर धरणा प्रदर्शन नेई करगंन। कल संसद भवन परिसर च विरोध प्रदर्शन दरान कांग्रेस ते बीजेपी सांसदें बश्कार धक्का मुक्की दी घटना गी दिक्खदे होई एह निर्देश जारी कीता गेआ ऐ। इस घटना च दऊं सांसदें गी सट्ट लग्गी, जिनेंगी मगरा अस्पताल दाखल करना पेआ।

<><><><><><>

Security Meet HM

केन्द्री गृह मंत्री अमित शाह होरें कल नमीं दिल्ली च जम्मू-कश्मीर बारै इक उच्च स्तरी बैठक दी प्रधानता कीती जेह्दे च लेफ्टिनेंट गवर्नर मनोज सिन्हा ते होर केई वरिष्ठ अधिकारिण बी हिस्सा लैता। बैठक दरान जम्मू-कश्मीर च सुरक्षा ते रमानदारी गी बल देने बक्खी चेचे तौर पर ध्यान केन्द्रित कीता गेआ। गृह मंत्री होरें आतंकवादी घटनाएं च कमी, घुसपैठ रोकने ते आतंकी गुटें च नौजवानें दी भर्त्थी रोकने लेई कीते गेदे कामयाब जतनें ताई सुरक्षाबलें दी सराहना कीती। श्री शाह होरें जम्मू-कश्मीर च आतंकवादी ढांचे दे समूलचे नास च हासल होई दी प्रगति पर बी लोऽ पाई।

<><><><><><>

HM CM Meet

जम्मू-कश्मीर दे मुख्यमंत्री ओमर अब्दुल्ला होरें कल नमीं दिल्ली च केन्द्री गृह मंत्री अमित शाह हुंदे कन्नै मलाटी कीती। इस मौके उनें जम्मू-कश्मीर दे मजूदा हालत, जम्मू-कश्मीर दे राज्य दे दर्जे दी संभावित ब्हाली ते प्रदेश दे लोकें दे कल्याण कन्नै जुड़े दे मामलें पर गल्लबात कीती।

<><><><><><>

Pariksha

प्रधानमंत्री नरेन्द्र मोदी हुंदे बक्खरे किस्मां दे संवाद कार्यक्रम “परीक्षा पे चर्चा” दी 8मीं कड़ी अगले म्हीने आयोजत होग। कार्यक्रम लेई MyGov पोर्टल उप्पर पंजीकरण शुरू होई चुके दा ऐ, जेहड़ा 14 जनवरी तगर चलोग। इस कार्यक्रम दा उद्देश्य परीक्षा दा तनाह घट्ट करना ते विद्यार्थिं, शिक्षकें ते अभिवाभकें गी इस मौके गी उत्सव आला लेखा मनाने लेई प्रोत्साहित करना ऐ। शिक्षा मंत्रालय नै इक ब्यान च आखेआ जे 6मीं जमात शा 12मीं लमात तगर दे विद्यार्थिं ते शिक्षकें ते उंदे माता पिता लेई विकल्प प्रश्न च क्विज प्रतियोगिता तैआर कीती गई ऐ। पंजीकरण दरान विद्यार्थी अपने पसिंद दे सुआल, जेहड़े ओह प्रधानमंत्री थमां पुच्छना चांहदे न, जमा करी सकदे न। पर एह सुआल परीक्षा दे तनाह, करियर ते जीवन च भावी दिक्खियै दे बारे च होने लोड़चदे।

<><><><><><>

FM Budget

केंद्री वित्त मंत्री निर्मला सीतारामन होर अज्ज राजस्थान दे जैसलमेर च बक्ख-बक्ख राज्यें दे वित्त मंत्रियें दे कन्नै बजट शा पैहले आह्ला सलाह-सूत्तर करडन। माली ब’रे 2025-26 दा केंद्री बजट पैहली फरवरी गी संसद च पेश कीता जाहग। एह वित्त मंत्री निर्मला सीतारामन हुंदा लगातार 8मां बजट होग। सरकारी सूत्तरें मूजब अज्जै दे विचार-विमर्श च राज्यें च नमिएं काहड़ें, रास-पूंजी ते रोजगार सृजन गी बढ़ावा देने आहली बजट नीतियें पर जोर दित्ता जाई सकदा ऐ। एह बैठक आर्थिक स्थिरता मजबूत करने ते लगातार ते टिकाउ विकास गी बढ़ावा देने दे जरूरी उपाएं पर विचार बटांदरा आह्ला इक महत्वपूर्ण मंच साबत होग। हाल दे विधानसभा चुनाएं दे नतीजें परैन्त इस ब’रे दे बजट परामर्श दा महत्व होर बधी जंदा ऐ। श्रीमती सीतारामन होर कल जैसलमेर च गै जीएसटी परिषद दी 55मीं बैठक दी अध्यक्षता करडन।

<><><><><><>

Foreign Secretary

विदेश सचिव विक्रम मिश्री होर कल थमां मॉरीशस दी त्रऊं दिनें दी सरकारी यात्रा उप्पर होंगन। प्रधानमंत्री नवीनचन्द्रा रामगुलाम हुंदे नेतृत्व च मॉरीशस च नमीं सरकार बनने मगरा भारत ते मॉरीशस बश्कार पैहली उच्च स्तरीय दपक्खी वार्ता होग।

एह यात्रा दवै मुल्खें बश्कार नियमित उच्च स्तरीय आदान प्रदान दा इक सिलसिला ऐ। एह सागर दृष्टिकोण अफ्रीका फारवर्ड नीति ते ग्लोबल साउथ प्रति भारत दी प्रतिबद्धता तैहत मॉरीशस कन्नै उंदे सरबंधें गी दित्ती जाने आली प्राथमिकता गी दर्शादी ऐ। भारत ते मॉरीशस बश्कार बड़े पराने सरबंध न, जेहड़े सांझे इतिहास, संस्कृति ते परम्परा उप्पर आधारत न। दवै मुल्खें बश्कार केई क्षेत्रें च सैहयोग दा बी रिश्ता ऐ। एह यात्रा दवै मुल्खें दे दपक्खी सरबंधें गी होर मजबूती देग।

<><><><><><>

Russia

रूस दे राष्ट्रपति ब्लादीमीर पुतिन होरें गलाया ऐ जे ओह यूक्रेन युद्ध खत्म करने लेई अमरीका दे नमें राष्ट्रपति डोनाल्ड ट्रंप हुंदे कन्नै संभावित वार्ता च समझौते लेई तैआर न। पत्रकारें कन्नै गल्ल करदे होई पुतिन होरें आखेआ जे यूक्रेन कन्ने गल्लबात लेई उंदी कोई शर्त नेई ऐ ते ओह राष्ट्रपति व्लोमीर जेलेन्स्की हुंदे सनें कुसा कन्नै बी गल्लबात करने लेई तैआर न। रूस दे राष्ट्रपति होरें आखेआ जे समझौते उप्पर मजूदा रूस आस्सेआ मान्य यूक्रेनी संसद दे वैध प्राधिकारिण दे दस्तखत होने लोड़चदे।

<><><><><><>

Para Athletics

भारत अगले ब'रे नमीं दिल्ली दे जवाहरलाल नेहरू स्टेडियम च विश्व पैरा एथलेटिक्स चैंपियनशिप, 2025 दी मेजबानी करोग। विश्व पैरा एथलेटिक्स नै कल दस्सेआ जे एह चैंपियनशिप भारत च पैहली बारी खेड़्ढी जा करदी ऐ। एहदा आयोजन 26 सितंबर थमां 5 अक्तूबर तगर होग। विश्व पैरा एथलेटिक्स दी एह 12मीं चैंपियनशिप ऐ ते चौथी बारी एशिया च आयोजित कीती जा करदी ऐ। नमीं दिल्ली थमां पैहले एह 2015 च दोहा, 2019 च दुबई ते 2024 च कोबे च आयोजित कीती गई ही। एहदे अलावा, नमीं दिल्ली च अगले ब'रे 11 थमां 13 मार्च तगर पैहली बारी विश्व पैरा एथलेटिक्स ग्रैंड प्रिक्स दा बी सरिस्ता कीता जाह्ग।

<><><><><><>

Cricket

नवी मुम्बई च कल रातीं महिला टी-ट्वेंटी क्रिकेट च भारत नै वेस्टेइंडीज गी 60 रन्जें कन्नै हराई दित्ता ते श्रृंखला 2-1 कन्नै जित्ती लैती ऐ। भारत नै पैहले बल्लेबाजी करदे होई 217 रन्ज बनाए, जेहड़ा अजें तगर दा सब्बनें शा मता स्कोर ऐ। स्मृति मंधाना नै 77 ते ऋचा घोष नै 54 रन्जें दा जोगदान दित्ता। ऋचा घोष होरें छडी 18 गेंदें च 50 रन्ज बनाइयै महिला टी-ट्वेंटी च सब्बनें शा तेज अर्धशतक बनाने दे विश्व रिकॉर्ड दी बरोबरी करी लैती। एहदे परते च वेस्टीइंडीज दी पारी 9 विकेटें पर 157 रन्जें पर गै सिमटी गई। राधा यादव नै भारत लेई 4 विकेटां लैतियां। ऋचा घोष गी प्लेयर ऑफ द मैच ते स्मृति मंधाना गी प्लेयर ऑफ द सीरिज घोषित कीता गेआ। वेस्टीइंडीज दे कन्नै इक ध्याड़े आहले 3 अंतराश्ट्री मैचें दी श्रृंखला दे मैच इस महीने दी 22, 24 ते 27 तरीक गी खेड्डे जाउन।

<><><><><><>

Sports Weightlifting

भार तुलकने सरबंधी एशियाई युवा ते जूनियर चैंपियनशिप अज्जै थमां कतर दी राजधानी दोहा च शुरू होआ करदी ऐ। एहदे मुकाबले 40एं श्रेणिएं च होउन जिंदे च 20 जूनियर ते 20 गै युवा स्तर दिआं श्रेणियां न। एहदे च जूनियर ते युवा स्तर पर 20-20 मुकाबले होउन। इस चैंपियनशिप च भारत दे 28 खड्डारी हिस्सा लै करदे न। भारत दी मार्टिना देवी माईबाम एशियाई जूनियर चैंपियनशिप च बरोबर भार वर्ग च मुकाबला करउन।

<><><><><><>

Tennis

त्रीया विश्व टेनिस लीग टूर्नामेंट अज्ज थमां अबूधाबी च शुरू होआरदा ऐ। एह टूर्नामेंट 22 दिसम्बर तगर चलोग। एहदे च 4 टीमां हिस्सा लैंगन। हर इक टीम च 4 खडारी होंगन, हर इक टीम इक7दुए दे खलाफ 1-1 मैच खेडोग।

<><><><><><>

IMD

भारतीय मौसम विभाग नै अगले 5—6 दिन उत्तरी भारत च सुक्की ठंडू दा प्रकोप जारी रौहने दी पेशगोई कीती ऐं मौसम विभाग मूजब हिमाचल प्रदेश, पूर्वी राजस्थान ते पंजाब च अगले 2—3 दिन होर मती सुक्की ठंड होग। एह्दे इलावा जम्मू कश्मीर, लद्दाख, हरियाणा ते पच्छिम राजस्थान च बी अगले दो दिनें तगर ठंछू दा प्रकोप जारी रौहग। इनें इलाकें च बडलै घना कोहरा बी पेई सकदा ऐ ते अगले दो दिनें च तापमान च होर मती गिरावट दिक्खी जाग। तोआई मौसम विभाग नै आंध्रप्रदेश दे समुंद्री इलाकें च रायलसीमा च अज्ज भारी बरखा पौने दी पेशगोई कीती ऐ।

<><><><><><>